



ბრძანება №01-02/ 34

**ბსუ-ს მოკლევადიანი პროგრამის მსმენელთან გასაფორმებელი ხელშეკრულების
ფორმის დამტკიცების შესახებ**

„უმაღლესი განათლების შესახებ“ საქართველოს კანონის 22-ე მუხლის, ბსუ-ს წესდების მე-13 მუხლის, „ბსუ-ს პროფესიული პროგრამების მართვისა და უწყვეტი განათლების ცენტრის დებულების დამტკიცების თაობაზე“ ბსუ-ს წარმომადგენლობითი საბჭოს 2024 წლის 24 ოქტომბრის №07-01/59 გადაწყვეტილების, საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის 2018 წლის 19 ივლისის №01-3/ნ ბრძანებით დამტკიცებული „უწყვეტი სამედიცინო განათლების ცალკეული ფორმები და მათი აკრედიტაციის წესი და კრიტერიუმების“ (№1 დანართი), საფუძველზე

ვ ბ რ ძ ა ნ ე ბ ა:

1. **დამტკიცდეს** ბსუ-ს პროფესიული პროგრამების მართვისა და უწყვეტი განათლების ცენტრის უწყვეტი განათლების მიმართულებით (მათ შორის უწყვეტი სამედიცინო განათლების) **მოკლევადიანი საგანმანათლებლო პროგრამის მსმენელთან გასაფორმებელი ხელშეკრულების ფორმა**, წინამდებარე ბრძანების **№1 დანართის** შესაბამისად.
2. **ძალადაკარგულად იქნეს ცნობილი** „ბსუ-ს უწყვეტი განათლების მიმართულებით მოკლევადიანი საგანმანათლებლო პროგრამების მსმენელთან გასაფორმებელი ხელშეკრულების ფორმის დამტკიცების შესახებ“ ბსუ-ს რექტორის 2022 წლის 22 ივნისის №01-02/146 ბრძანება.
3. ბრძანება განთავსდეს ბსუ-ს ვებგვერდზე, ველებში: „რექტორის ბრძანებები“, „საუნივერსიტეტო ნორმატიული აქტები“ , ასევე ბსუ-ს პროფესიული პროგრამების მართვისა და უწყვეტი განათლების ცენტრის ველში (მარეგულირებელი აქტების ველში).
4. ბრძანება დაეზავნოს ადმინისტრაციის ხელმძღვანელს, ბსუ-ს რექტორის მოადგილეებს, სტრუქტურულ ერთეულებს (პროფესიული პროგრამების მართვისა და უწყვეტი განათლების ცენტრს და ამავე ცენტრის უწყვეტი განათლების მიმართულებების კოორდინატორებს, საქმისწარმოების სამსახურს (კანცელარია), საფინანსო-ეკონომიკურ დეპარტამენტს, იურიდიულ დეპარტამენტს და საინფორმაციო ტექნოლოგიების სამსახურს).
5. ბრძანება ძალაშია ხელმოწერისთანავე.
6. ბრძანება შეიძლება გასაჩივრდეს კანონმდებლობით დადგენილ ვადაში და წესით ბათუმის საქალაქო სასამართლოში (ქ. ბათუმი, ს. ზუბალაშვილის ქ. №30).

ბსუ-ს რექტორი

ტიტე აროშიძე

„ბსუ-ს მოკლევადიანი პროგრამის მსმენელთან გასაფორმებელი ხელშეკრულების ფორმის დამტკიცების შესახებ“

ბსუ-ს რექტორის 2026 წლის

20 თებერვლის №01-02/34

ბრძანების
№1 დანართი

ხელშეკრულება №

ქ. ბათუმი

-----, --- წელი

ერთი მხრივ, საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტი (შემდეგში - „ბსუ“ ან „უნივერსიტეტი“), წარმოდგენილი ბსუ-ს რექტორის _____ მიერ და მეორე მხრივ, _____ (შემდეგში - „მსმენელი“), ვთანხმდებით შემდეგზე:

1. ხელშეკრულების საგანია მსმენელის მიერ ბსუ-ს მოკლევადიანი საგანმანათლებლო პროგრამის „-----“ (მოცულობა/ხანგრძლივობა- ----- საათი/, დამტკიცებული ბსუ-ს რექტორის -----

წლის ----- №----- ბრძანებით; შემდეგში - „პროგრამა“)

გავლასთან დაკავშირებული სამართლებრივი ურთიერთობის რეგულაცია.

2. პროგრამაზე სწავლის საფასური (მსმენელის შემადგენლობით ჯგუფში) ერთი მსმენელისათვის შეადგენს ლარს (საფუძველი: ბსუ-ს ადმინისტრაციის ხელმძღვანელის ბრძანება №....., წ.). მსმენელის სწავლის საფასური უნდა ჩაირიცხოს ბსუ-ს ანგარიშზე (ბანკის კოდი - TRESGE 22; მიმღების ანგარიში/სახაზინო კოდი - 709017263), ბსუ-ს მიერ დადგენილი სწავლის საფასურის გადახდის წესის (ბრძანებით დამტკიცებული ხარჯთაღრიცხვის) შესაბამისად.

3. მხარეთა უფლებები და ვალდებულებები:

3.1. „უნივერსიტეტის“ უფლებებია:

ა) განსაზღვროს პროგრამაზე სწავლის განრიგი, მათ შორის მიმდინარე/დასკვნითი შეფასების ჩატარების წესი და დრო, შეიტანოს ცვლილებები სწავლის საორგანიზაციო პროცედურებში (შესაბამისი ცვლილების შესახებ მსმენელის ინფორმირებით);

ბ) არ დაუშვას მსმენელი პროგრამის სასწავლო პროცესში (შეუწყვიტოს მსმენელის სტატუსი/ამორიცხოს მსმენელთა ჯგუფიდან) ან/და არ გასცეს პროგრამის გავლის დამადასტურებელი სერტიფიკატი (მოწმობა), თუ მსმენელი არ შეასრულებს პროგრამის მოთხოვნებს ან/და ამ ხელშეკრულების პირობებს;

გ) დაამუშაოს მსმენელის პერსონალური მონაცემები, „პერსონალურ მონაცემთა დაცვის შესახებ“ საქართველოს კანონის და „ბსუ-ში პერსონალურ მონაცემთა დაცვის პოლიტიკის“ მოთხოვნათა დაცვით, ამ ხელშეკრულებაში აღნიშნული საგანმანათლებლო საქმიანობის ფარგლებში კანონიერი საჭიროების და მსმენელის თანხმობის გათვალისწინებით.

3.2. „უნივერსიტეტი“ ვალდებულია:

ა) უზრუნველყოს პროგრამის სასწავლო პროცესი შესაბამისი პერსონალით და მატერიალურ-ტექნიკური ბაზით;

ბ) შეუქმნას მსმენელს პროგრამის გავლისათვის (სწავლისათვის) შესაბამისი პირობები (გააცნოს პროგრამის შინაარსი, სასწავლო ცხრილი, პერსონალი, რეგულაციები);

გ) პროგრამის გავლის/ათვისების შედეგების გათვალისწინებით და ამ ხელშეკრულების პირობების დაკმაყოფილების შემთხვევაში გასცეს მსმენელზე სერტიფიკატი (მოწმობა/ცნობა), პროგრამით დადგენილი წესის და რექტორის ბრძანების შესაბამისად.

3.3. მსმენელის უფლებებია:

- ა) წინამდებარე ხელშეკრულების გაფორმებამდე და ხელმოწერამდე გაეცნოს ამ ხელშეკრულებაში აღნიშნულ რეგულაციებს და პროგრამას;
- ბ) მიიღოს პროგრამის შესაბამისი და ხარისხიანი საგანმანათლებლო მომსახურება, მათ შორის პროგრამის კოორდინატორისგან/ხელმძღვანელისგან/პერსონალისგან - კონსულტაციები პროგრამის შინაარსზე და საორგანიზაციო საკითხებზე, ასევე მიიღოს პროგრამის გავლის დამადასტურებელი სერტიფიკატი (მოწმობა/ცნობა), პროგრამით დადგენილი წესის და რექტორის ბრძანების შესაბამისად;
- გ) პროგრამაზე სწავლის მიზნით ისარგებლოს უნივერსიტეტის ინფრასტრუქტურით, მატერიალურ-ტექნიკური, საბიბლიოთეკო, საინფორმაციო და სხვა რესურსებით, ჯანმრთელობისა და სიცოცხლისათვის უსაფრთხო გარემოში;
- დ) ისარგებლოს საქართველოს კანონმდებლობით და ბსუ-ს რეგულაციებით განსაზღვრული მსმენელის უფლებებით.

3.4. „მსმენელი“ ვალდებულია:

- ა) მიიღოს პროგრამის სასწავლო პროცესში მონაწილეობა, პროგრამის შინაარსის (მოთხოვნების) და უნივერსიტეტში დადგენილი სასწავლო განრიგის შესაბამისად;
- ბ) გაუფრთხილდეს უნივერსიტეტის ქონებას, არ დაუშვას უნივერსიტეტის შენობის, სასწავლო ინვენტარის, კომპიუტერული ტექნიკის და უნივერსიტეტის მფლობელობაში არსებული სხვა ქონების დაზიანება ან/და უდიერად მოპყრობა;
- გ) შეასრულოს ამ ხელშეკრულების პირობები, დაიცვას ეთიკის კოდექსი და ბსუ-ს შინაგანაწესის მოთხოვნები.

3.5. „მსმენელი“ აცხადებს, რომ წინამდებარე ხელშეკრულების გაფორმების დროისათვის გაცნობილია ბსუ-ს ეთიკის კოდექსს, ბსუ-ს შინაგანაწესს (რომელიც განიხილება ამ ხელშეკრულების განუყოფელ ნაწილად), ბსუ-ში პერსონალურ მონაცემთა დაცვის პოლიტიკას (ბსუ-ს რეგულაციები განთავსებულია ბსუ-ს ოფიციალურ ვებგვერდზე – www.bsu.edu.ge ველში „იურიდიული ცნობარი“).

3.6. მსმენელი აცხადებს თანხმობას, უნივერსიტეტის მიერ დამუშავდეს მისი პერსონალური მონაცემები, ამ ხელშეკრულებაში აღნიშნული საგანმანათლებლო საქმიანობის ფარგლებში საჭიროების გათვალისწინებით, „პერსონალურ მონაცემთა დაცვის შესახებ“ საქართველოს კანონის და „ბსუ-ში პერსონალურ მონაცემთა დაცვის პოლიტიკის“ მოთხოვნათა დაცვით.

4. „მხარეთა რეკვიზიტები და ხელმოწერები“:

„ბსუ“

საჯარო სამართლის იურიდიული პირი -
 ბათუმის შოთა რუსთაველის სახელმწიფო
 უნივერსიტეტი
 მისამართი: ქ. ბათუმი, რუსთაველის/
 ნინოშვილის ქ. №32/35
 ს/კ: 245428158

„მსმენელი“

სახელი, გვარი -----
 პირადი № -----
 მისამართი -----

ელფოსტა: info@bsu.edu.ge

ტელეფონი -----

ბსუ-ს რექტორი

ელ. ფოსტა -----

 (ხელმოწერა)

მსმენელის ხელმოწერა -----